



Invit

a las rumantschas ed als rumantschs en la Bassa al

Inscunter Interrumantsch

Gievgia, ils 6 da settember 2018 a partir da las 19.00
al restaurant Die Giesserei - Birchstrasse 108, 8050 Zürich-Oerlikon

Parcadi: Restaurant Die Giesserei

Traffic public: Tram: 11, 15, 17, staziun Regensbergbrücke

Tren: Staziun SBB Zürich-Oerlikon

Giasts da la saira:

Flurina Huonder e Flavio Huonder

Els èn documentalists tar la RTR (Radiotelevisiun Svizra Rumantscha) e preschantan a nus la plattafurma electronica www.nossaistorgia.ch.

nossaistorgia.ch è l'emprima plattafurma digitala, istorica e participativa da la Svizra rumantscha e dal Grischun. Privats ed instituziuns mettan online lur archivs ed ils dividan en dossiers tematics. La finamira è da segirar communablamain la memoria collectiva da noss chantun Grischun.

Astrid Alexandre

La via da vita da Astrid Alexandre ha entschet sin in auter continent, en in auter mund. Ella è nata a Port-au-Prince en Haiti. Ses bab, derivond da la Belgia manava là in project linguistic. Anc da pitschna matta è ella rivada en Svizra, ha visità qua la scola e laschè il seminari a Cuira sco scolasta. Dapi tschintg onns lavura ella sco redactura da musica tar la RTR.

Sia vusch tuna anc adina sco or d'in auter mund cur ch'ella chanta ensemen cun autras chantaduras e cun ses amis sco Mario Pacchioli u Corin Curschellas. En furmazions ed er persula ha ella chantà sin tribunas a Paris, Domat e perfin a Babylon - resp. a Riom al Festival Cultural Origen 2012. Er sper la tribuna è Astrid Alexandre fitg activa. Per la RTR ha ella planisà e realisà tranter auter il project "chant au tuor" che ha già er musicalmain in grond success. Astrid Alexandre è scolada en chant classic e clavazin. Durant in onn ha ella studegià musicologia a l'università da Basilea.

I vegn offert in aperitiv da l'URB

Fat a savair quest'occurrenza ad enconuschantas ed enconuschents!

Il proxim Inscunter Interrumantsch vegn ad avair lieu ils 8 da november a Basilea.